



საქართველოს გარემოს დაცვისა და ბუნებრივი რესურსების სამინისტრო
 MINISTRY OF ENVIRONMENTAL PROTECTION AND NATURAL RESOURCES OF GEORGIA
 ლიცენზიებისა და ნებართვების დეპარტამენტი
 DEPARTMENT OF LICENSES AND PERMITS

საქართველო, 0114, თბილისი გულუას ქა.* ტელ 46 50 08, ფაქსი: 46 50 08, -mail:ecoegzam@caucasus.net

ვ ა მ ტ კ ი ც ე ბ
 ლიცენზიებისა და ნებართვების
 დეპარტამენტის უფროსი

ირაკლი კვაშილავა

(სახელი, გვარი)



(ხელმოწერა)

სახელმწიფო ეკოლოგიური ექსპერტიზის
 დასკვნა პროექტზე

№ 62

„ 05 ” 05 2006 წ.

საერთო მონაცემები

1. პროექტის დასახელება – ნავთობსაწყოები ტევადობით 1,8 ათ.მ³
2. ინვესტორის დასახელება და მისამართი – შპს „მეტეხნი-95“, თბილისი, მოსკოვის გამზირი №10
3. განხორციელების ადგილი – თბილისი, მოსკოვის გამზირი 10
4. განაცხადის შემოსვლის თარიღი – 02. 05. 06
5. მონაცემები პროექტის შემდგენელის შესახებ – შპს „ეკოლცენტრი“, თბილისი, ალ. ყაზბეგის გამზ 29 1/58.

II. ძირითადი საპროექტო გადაწყვეტილებანი

შპს „მეტეხი-95“-ს მიერ გარემოზე ზემოქმედების ნებართვის მიღების მიზნით სახელმწიფო ეკოლოგიურ ექსპერტიზაზე წარმოდგენილი „ნავთობსაწყობი“-ს (ტევადობით 1.8 ათ.მ³) პროექტით საქმიანობის განხორციელება გათვალისწინებულია ისანი-სამგორის რაიონში, მოსკოვის გამზირის № 10-ში. საქმიანობა დაგეგმილია ქ. თბილისის სამრეწველო ზონაში, ყოფილი სამხედრო ნაწილის ტერიტორიაზე. საქმიანობისთვის გათვალისწინებული საერთო ფართობი შეადგენს 0,48 ჰა-ს, აქედან 0,22 ჰა-ზე განთავსდება სარეზერვუარო პარკი. (სნდაწ 11-106-79-ის თანახმად 1500 მ³ ტევადობის ნავთობბაზის განთავსებისთვის მიწის ნაკვეთის ფართობი საორიენტაციოდ უნდა შეადგენდეს 1,5-2 ჰა). ტერიტორიას ესაზღვრება „თბილგაზი“-ს საქმიანი ეზო და მოსკოვის გამზირი. ნავთობსაწყობი განთავსებულია სატრანსპორტო მაგისტრალებისა და საცხოვრებელი მასივის მახლობლად. პროექტის მიხედვით უახლოესი საცხოვრებელი სახლი საქმიანობიდან დაშორებულია 80 მეტრით. სახელმწიფო სანიტარული ზედამხედველობის ინსპექციის (წერილი №20-1/17-2802, 15.11.00.) მიერ ადგილზე შემოწმებით დადგენილია, რომ 100 მეტრის რადიუსში საცხოვრებელი და საზოგადოებრივი შენობები არ არის განთავსებული.

საქმიანობის მიზანია 1800მ³/წ. ნათელი ნავთობპროდუქტების მიღება, დროებითი შენახვა და გაცემა. მათ შორის სავარაუდოდ: ბენზინი - 1000მ³/წ, დიზელის საწვავი- 800მ³/წ.

სარეზერვუარო პარკი შედგება მიწის ზედაპირზე განთავსებული 50მ³ ტევადობის 36 რეზერვუარისაგან, რომლებიც იდგმება რკინა-ბეტონის საძირკვლებზე, მოშანდაკებული მოედნიდან 50 სმ სიმაღლეზე. შემთხვევით დაღვრილი ნავთობპროდუქტების ლოკალიზაციის მიზნით სარეზერვუარო პარკის ირგვლივ გათვალისწინებულია 50 სმ. შემაღლების მოწყობა. სარეზერვუარო პარკი დაყოფილია 4 ჯგუფად, თუმცა აღნიშნული არ არის რა მიზნით და რა პრინციპით მოხდა ეს დაყოფა. ტექნოლოგიური რეგლამენტიდან გამომდინარე, ნავთობსაწყობის საქმიანობის შედეგად გარემოზე მიყენებული მოსალოდნელი უარყოფითი ზემოქმედება დაკავშირებულია ემისიებთან ატმოსფერულ ჰაერსა და წყალში.

ნავთობსაწყობში წყლის მოხმარება დაკავშირებულია მხოლოდ საყოფაცხოვრებო მიზნებთან და იგი მიღებული იქნება ქ.თბილისის წყალსადენის ქსელიდან. საყოფაცხოვრებო ჩამდინარე წყლები შესაბამისად ჩაშვებული იქნება ქალაქის არსებულ კანალიზაციაში. სარეზერვუარო პარკის ტერიტორიაზე შეკრებილი სანიაღვრე წყლები სამსაფეხურიანი გამწმენდი ნაგებობის (6მ³/სთ) გავლის შემდეგ ჩაშვებული იქნება ქალაქის სანიაღვრე კანალიზაციაში.

ინვენტარიზაციის ტექნიკური ანგარიშის თანახმად ატმოსფერული ჰაერში ემისიის ძირითადი წყაროებია რეზერვუარები, ნ/პროდუქტების მიღება-გაცემის უბნები, საკომპრესორო და ნავთობდამჭერი დანადგარები, საიდანაც ატ. ჰაერში გაიფრქვევა ნავთობური ნახშირწყალბადები, ამილენი, ბენზოლი, ტოლუოლი, ეთილბენზოლი, ქსილოლი და გოგირდწყალბადი.

წარმოდგენილ დოკუმენტაციაში მოცემულია აქროლადი, მავნე ორგანული ნაერთების თვისობრივ-რაოდენობრივი დახასიათება, ემისიის წყაროების განაწილება და მათი გარემოზე ზემოქმედების დახასიათება. მავნე ნივთიერებათა გაბნევის ანგარიშის საფუძველზე გაკეთებულია დასკვნა, რომ სანიტარული ზონის ფარგლებს გარეთ აღნიშნულ ნივთიერებათა კონცენტრაციები იქნება ზღვრულად დასაშვებზე ნაკლები.

ეკოლოგიური ექსპერტიზის მიმდინარეობის პროცესში დამოუკიდებელი ექსპერტების მიერ გამოთქმული შენიშვნები ასახულია წინამდებარე დასკვნის III თავში.

III. შენიშვნები

1. პროექტში მითითებული სტრატეგიის შესაბამისად დამუშავდეს და დამტკიცდეს:
 - მონიტორინგის (თვითმონიტორინგის) კონკრეტული გეგმა, მის შესრულებაზე პასუხისმგებელი ფიზიკური და/ან იურიდიული პირის მითითებით;
 - ავარიულ სიტუაციებზე რეაგირების კონკრეტული გეგმა, მის შესრულებაზე პასუხისმგებელი ფიზიკური და/ან იურიდიული პირის მითითებით;ორივე გეგმა ორივე გეგმა კანონმდებლობის შესაბამისად შეთანხმდეს გარემოს დაცვის სამსახურთან;
2. საქმიანობის დაწყებამდე პროექტი შეთანხმდეს ხანძარსაწინააღმდეგო სამსახურთან;
3. საწარმოს ხელმძღვანელობამ უზრუნველყოს საწყობის ტევადობისა და სნდაწ 11-106-79-ით გათვალისწინებული მოთხოვნების შესაბამისობაში მოყვანა.
4. საწარმოს ექსპლუატაციის პროცესში წარმოქმნილი ნავთობური ნარჩენების განთავსების საკითხი შეთანხმდეს ადგილობრივი თვითმმართველობის ორგანოებთან;

IV. დამატებითი პირობები

1. ობიექტის ექსპლუატაციაში გაშვების მზადყოფნასთან დაკავშირებით შექმნილი მიმღები კომისიის შემადგენლობაში გათვალისწინებული იქნას საქართველოს გარემოს დაცვისა და ბუნებრივი რესურსების სამინისტროს წარმომადგენლის მონაწილეობა;
2. პროექტით გათვალისწინებული სამუშაოების მიმდინარეობისა და დასკვნაში მოყვანილი შენიშვნების შესრულების შესახებ, წარდგენილ იქნას ანგარიში გარემოს დაცვისა და ბუნებრივი რესურსების სამინისტროში საქართველოს კანონმდებლობის შესაბამისად.


V. დასკვნა

შპს „მეტეხი-95“-ს მიერ გარემოზე ზემოქმედების ნებართვის მიღების მიზნით სახელმწიფო ეკოლოგიურ ექსპერტიზაზე წარმოდგენილი „ნავთობსაწყობი ტევადობით 1,8 ათ. მ³ გარემოზე ზემოქმედების შეფასების ანგარიშით“-თ გათვალისწინებული საქმიანობის განხორციელება შესაძლებელია.

საქმიანობის დაწყებამდე გათვალისწინებული იქნას წინამდებარე დასკვნის III თავში მოყვანილი შენიშვნები და IV თავში მოყვანილი 1 და 2 პირობა.

სახელმწიფო ეკოლოგიური ექსპერტიზის დასკვნის მოქმედების ვადად განისაზღვროს 5 წელი დასკვნის გაცემის თარიღიდან.

სახელმწიფო ეკოლოგიური ექსპერტიზის
საექსპერტო კომისიის თავმჯდომარე


ი.ედილაშვილი
(სახელი, გვარი, ხელმოწერა)



საქართველოს გარემოს დაცვისა
და ბუნებრივი რესურსების სამინისტრო

გარემოზე ზემოქმედების ნაბართვა № 00021

კოდი **M D 1**

„ 08 “ „ ივნისი “ 2006 წ.

- ნებართვის მიმღები სუბიექტი **შპს „მეტეხი 95“**
- საქმიანობის მიზანი **წავთობსახსყოზი ცეკადოზით
1,8 ათ.მ³**
- განსახორციელებელი
საქმიანობის აღვლმდებარეობა **ქ. თბილისი, მოსოვის
გამზ. 10**
- ლოკუმენტაციის მომამზადებელი
ორგანიზაცია **შპს „ეკოლსენსრი“**
- ნებართვის მისაღებად
წარმოდგენილი ლოკუმენტაცია **გზ მ ანვარიში**
- ნებართვის გაცემის საფუძველი **სახემწიფო ეკოლოგიური
ექსპერტიზის დასკვნა N62; 05.05.06**
- ნებართვის პირობები **წებახოვა მოქმედებს დანახოში
მოყვანილი პირობების ავტ. მეს. პირობით
დანახოი 1 გზ.**

გარემოზე ზემოქმედების ნებართვა გაცემულია:

საქართველოს გარემოს დაცვისა და ბუნებრივი
რესურსების სამინისტროს მიერ

საქართველოს გარემოს დაცვისა და
ბუნებრივი რესურსების სამინისტროს
უფლებამოსილი წარმომადგენელი
(გვარი, სახელი, თანამდებობა)

ლოცენზიებისა და ნებართვების
დეპარტამენტის უფროსის

მოვალეობის შემსრულებელი

დ. მატყალიანი



დამკვეთი: გაჩემოს-დაცვისა და ბუნებრივი რესურსების სამინისტრო
დამამზადებელი: შპს „ფინანსები“
„ს.ფ.ს.“ ჩეგისტრაციის №2-0360



საქართველოს გარემოს დაცვისა და ბუნებრივი რესურსების მინისტრის

ბ რ ძ ა ნ ე ბ ა № 388

ქ. თბილისი

„17“ 05 2006 წ.

შპს „მეტეხი-95“-ზე გარემოზე ზემოქმედების ნებართვის გაცემის შესახებ

„ლიცენზიებისა და ნებართვების შესახებ“ საქართველოს კანონის 24 მუხლის, მე-4 პუნქტისა და საქართველოს მთავრობის 2005 წლის, 1 სექტემბრის №154 დადგენილებით დამტკიცებული „გარემოზე ზემოქმედების ნებართვის გაცემის წესისა და პირობების შესახებ“ დებულების მე-2 და მე-3 მუხლის 1 პუნქტის „კ“ ქვეპუნქტის საფუძველზე

ვ ბ რ ძ ა ნ ე ბ ა:

1. გაიცეს შპს „მეტეხი - 95“-ზე გარემოზე ზემოქმედების ნებართვა – ნავთობსაწყობი ტევალობით 1,8 ათ.მ³ საქმიანობაზე;
2. ნებართვის მფლობელმა უზრუნველყოს სახელმწიფო ეკოლოგიური ექსპერტიზის დასკვნით გათვალისწინებული სანებართვო პირობების შესრულება;
3. ეს ბრძანება დაუყონებლივ გაეგზავნოს ნებართვის მფლობელს
4. ეს ბრძანება შეიძლება გასაჩივრდეს საქართველოს მთავრობაში (ქ. თბილისი, ინგოროყვას ქუჩა) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში (მის: ქ. თბილისი, სარაჯიშვილის ქ. №1) მისი ძალაში შესვლიდან ერთი თვის ვადაში.

საფუძველი: სახელმწიფო ეკოლოგიური ექსპერტიზის დასკვნა №62; 05.05.06წ. და ლიცენზიებისა და ნებართვების დეპარტამენტის უფროსის ირაკლი კვაშილავას მოხსენებითი ბარათი



გ. პაპუაშვილი